

Newspaper	UTUSAN MALAYSIA
Date	08 DECEMBER 2016

● Mercu tanda kebanggaan negara ● Dinobatkan 10 menara baharu terbaik dunia

Menara JKR ikon negara

Ulu - 8/12/2016

Oleh SAFINA RAMLI
dan C. SHEILA RANI
pengarang@utusan.com.my

■ KUALA LUMPUR 7 DIS.

MENARA Kerja Raya yang dirasmikan oleh Perdana Menteri, Datuk Seri Najib Tun Razak hari ini kini menjadi salah satu bangunan ikonik yang menjadi mercu tanda kebanggaan negara.

Perdana Menteri berkata, beliau amat berbangga dengan pencapaian tenaga kerja tempatan dalam menghasilkan inovasi dan mutu kerja yang cemerlang sehingga membolehkan Menara Kerja Raya dinobatkan sebagai antara 10 menara baharu terbaik di dunia oleh



Tambah membanggakan menara ini juga dinobatkan sebagai naib juara pertama ASEAN Energy Awards 2016 dan pada 5 November lalu."

NAJIB TUN RAZAK
Perdana Menteri

majalah *Bussiness Insider*, United Kingdom (UK), pada Oktober 2015.

Selain itu, kata beliau, menara tersebut juga telah berjaya memperoleh penarafan Green Buiding Index (GBI) tahap platinum dan

Menara Kerja Raya merupakan bangunan kerajaan pertama diberikan penarafan tersebut.

"Tambah membanggakan menara ini juga dinobatkan sebagai naib juara pertama ASEAN Energy Awards 2016 dan pada 5 November lalu, menara ini memenangi tempat pertama Malaysia Property Award 2016 kategori sektor awam.

"Jelas sekali semua pengiktirafan ini bukan sahaja menunjukkan tahap kualiti tinggi yang dicapai tetapi status mesra alam pada struktur rekaannya juga membuktikan kesungguhan kerajaan dalam melaksanakan konsep pembangunan mapan di negara ini," katanya ketika berucap pada majlis perasmian Menara Kerja Raya hari ini.

Yang turut hadir Menteri Kerja Raya, Datuk Seri Fadillah Yusof dan timbalannya, Datuk Rosnah Abdul Rashid Shirlin.

Menurut Najib, kejayaan melalui pembinaan Menara Kerja Raya itu selaras dengan hasrat serta aspirasi negara untuk meletakkan penjagaan alam sekitar dan pembangunan mapan dalam agenda pembangunan negara.

Menara tersebut yang siap dibina pada tahun lalu dengan kos RM309 juta mengambil masa selama 130 minggu untuk disiapkan merangkumi 37 tingkat berserta dua tempat letak kereta bawah itu berkonsepkan 'berlian di dalam bandar' dengan penggunaan muka bangunan kaca segi tiga sebagai tarikan utama.